



¿Dios cusha
nishca allicunata
chasquisha
ninguichu?
¿Ima shina cullqui
tucuipi pajtanata
yachasha
ninguichu?

Cullquimanta ima shina pajtachinamanta yachashcataca cutin ashitata tigrachishpa ricunami.

- I. Cullquipish, shinallataj ima charishcacunapish mana yuyaita churanachu canchij, ashtahuanpish ñucanchij ñahuitapish ñucanchij causaipi alli canacunallapi churashpami rina canchij.
- II. Taita Dios ñucanchijman cushcamantaca shuj ashitata ch'icanyachishpami tigrachina canchij.
- A. ¿Ima ñahuihuan taj cushpa tigrachina canchij? Achca cushicuihuan, shinallataj convida munaihuan.
- B. ¿Mashnatataj cuna canchij? Chungamanta shujtami cuna canchij.
- C. ¿Imapajtaj cuna canchij?
1. Pastorcunaman
 2. Shujtaj llajtacunaman rishpa Diospaj shimita huillajcunaman
 3. C'uyaita Ricuchingapaj
 4. Diosta crij aillupura amigo tucushpa cushicuihuan tandanacungapaj
 5. Crijcuna tandanacuipei gastocunamanta
- D. ¿Ima shina cajpipish tucui cai quipaca, ima nishpataj cuna canchij?
1. Dios mandashcamantami cuna canchij.
 2. Taita Dios 'Ima minishtirishcacunatapish cushatajmi' nishpa rimashcata ñucanchij quiquin cai causaipi chasquingapaj cunami canchij.
 3. Diosmi tucui ñucanchij ima charishcacunatapish cushca, shinallataj ima minishtirishcacunata charijpipish Paillatami punllanta cushpa cushichin. Chaimantami Taita Diosmanca c'uyaihuan, pagu nishpa cuna canchij.
 4. Shuj chungamanta shujtapish, convida munaihuan taj ima cunacunatapish iglesia nishca crijcuna tandanacuimanca apanatajmi canchij, chai cushcacuna illajpica crijcuna tandanacuica, irqui, ima poderpish illaj, shinallataj ima ruranacuna tiyajpipish mana rurashpa pajtachi tucungachu.

¡Dios ima shina paipaj cullquita pajtachinata yachai!

¡Diospajlla causaj allitaj crijtaca Taita Diosmi 'Tucui imalla minishtirishcacunata cushpa pajtachishatajmi' nin!

Taita Diospaj shimipica, Dios 'Cushatajmi' nishpa rimashcacunaca achcatajmi tiyan; Diospaj shimipica chaitatajmi ricunchij:

Apunchij Jesucristoca nishcami:

³¹ Chashna cashcamantaca: '¿Imatataj micushun, imatataj ubyashun, imatataj churashun?' **nishpa, ama chai yuyailla causaichijchu.** ³² Diosta mana cañucunami chai yuyailla causancuna. Ashtahuanpish **cacunapaj jahua pacha Yayaca, cancupaj ima illashcataca ñami yachan.** ³³ **Chaimanta cancunaca, ashtahuanca Taita Dios mandashca shina, cashcata rurashpa causanata mashcaichij. Chashna rurajpica, Diosca cancuna ima charinatapish cunallami.** *Mateo 6:31-33*

Huillachun cachashca Pablopish nishcami:

³¹ Pai chashna rurashcataca, ¿ima nishuntaj? Taita Dios ñucanchijhuan cajpica, ¿pitaj ñucanchijtaca imata ningari? ³² **Diosca Paipaj quiquin Churitaca, mana mitsashpa tucui ñucanchijmanta huanuchun curcallamari. Paitapish mana mitsashca jahuaca, ¿manachu ñucanchijmanca tucui ima allitapish cunalla?** *Romanos 8:31-32*

Salmota quillcaj yuyajpish nishcami:

²⁵Ñucaca ñami yuyaj cani.

Chashna cashpash cashcata rurajta Dios
shitashcataca, huambrapachamanta
cunancama manataj uyashcanichu.

Paipaj huahuacuna micunata mañashpa
purijtapish manataj ricushcanichu.

²⁶Tucui causaipimi llaquishpa
pimanpish mañachinlla.

Paipaj huahuacunapish bendiciashca cangami. *Salmo 37:25-26*

Chaimanta **Taita Diosca paipaj huahuacunataca
huaquichinmi.**

¿Ñucanchij charishca tucui ima allicunatapish Dios cushcataca
yachanguichu? ¿Diosllami ima allicunata cunatapish charin,
paillamantami ima allicunapish shamun!

**Jahua pachapi tiyaj achijyachijcunata ruraj Yayaca, tucui imatapish allita,
imatapish mana pandachijtam cun.** Paica mana shujtajyanchu. Paitaca,
ima llandu mana amsayachi tucunchu. *Santiago 1:17*

¿Cai **tucuipi cullqui pajta canaca** chashnatajmi! Cunan
punllacunapica ima shina cullqui tucuipi pajta canamanta, chaita
ima shina japinamantapish achcatami parlancuna, ashtahuanpish
chaicunaca achca llullashcallami can: ¿Dios illajca ima cullqui tucuipi
pajta canapish illanmi!

¹³«Cunan cashpa, caya cashpash, cai llajtaman chai llajtaman jacuchij.
Huatata chaipi randishpa, c'atushpa achca cullquita mirachimungapaj»
nijcuna, uyahuaichij. ¹⁴¿**Cancunaca, caya ima tucunataca mana
yachanguichijchu!** ¿Ñucanchij causaica imatagari? **Ñucanchij causaica,
p'uyu ashacama ricurishcahuan, ñapish chingarij shinallami.**
Santiago 4:13-14

Cutin cai versocunata ricushpa yuyarishun

Chaimanta cancunaca, yallica Taita Dios mandashca shina, cashcata
rurashpa causanata mashcaichij. Chashna rurajpica, Diosca cancuna ima
charinatapish cungallami. *Mateo 6:33*

«Imatapish shujtajcunaman cuichij, Diospish cancunaman cungami. Paica
jatun jatunllapi, tushuchishpa, talliricujta marcachingallami. Cancuna
imapimi shujtajcunaman cunguichij, chaillapitajmi cancunamanpish
cunga» nircami. *Lucas 6:38*

¿Cancuna chashna cujpica, ñucapish manachu jahua pacha ventanacunata
pascashpa, tucui imatapish cancuna mana huaquichi tucui pajta cuni,
imamí? Ricuichigari. Tucuita Mandaj Diostajmi chashna nini.
Malaquías 3:10b

Ricardo Aschmann, ricardo@quichua.net.

Cai yachanata mishu rimaimanta runa rimaiman ch'imbachijca Segundo
Anrangomi.

Cai libroca tucuripi allichishca punllaca: 20-noviembre-2021mi.

Tucui cai yachanapi Mushuj Testamentomanta ricushcaca, *Mushuj Testamento: Diospaj shimi* nishca
Chimborazo runa rimaiman ch'imbachishca Mushuj Testamentomanta japishcami, ©2010 *Bíblica - América
Latina*. Ñaupá Testamentomanta ricushcaca, *Dios rimashca shimicunami* nishca Chimborazo runa rimaiman
ch'imbachishca Bibliamanta japishcami, ©1989 *Sociedades Bíblicas Unidas*. Ñucanchij maijan
allichishcacunataca rurashcanchij.

Maijan dibujocunaca <http://www.believerlinks.com/cortright//gladpsr.htm>,
[http://www.biblekids.eu/new_testament/parables_of_jesus/parables_of_jesus.html/Widow%27s_Offering_9.h
tml](http://www.biblekids.eu/new_testament/parables_of_jesus/parables_of_jesus.html/Widow%27s_Offering_9.htm) p'angacunamanta japishcami.

Macedoniapi tiyaj crijcunaca allita yachashcatami cashcata rurashpaca ricuchirca, chaica manataj panda carcachu: **convidana munaihuan imatapish cunaca achca allitajmi**. Dios tucuita cushcamanta, chungamanta shujta cushcamanta, shinallataj imatapish convidana munaihuantaj cushcamanta shujtaj crijcunaman cushpa cushichina allitaj cajtaca yachanami canchij.

4. Shuj chungamanta shujtapish, convidana munaihuantaj ima cunacunatapish iglesia nishca crijcuna tandanacuimanca apanatajmi canchij, chai cushcacuna illajpica crijcuna tandanacuica, irqui, ima poderpish illaj, shinallataj ima ruranacuna tiyajpipish mana rurashpa pajtachi tucungachu.

Chungamanta shujta ñucaman cuna cashcataca tucuita ñuca huasiman apamuichij. Cancuna apamujpimi, ñuca huasipica micuna tiyanga.

Malaquías 3:10a

Apunchij Jesusca shuj runamanta parlashpami ñucanchijmanca yachachin, chai runaca Dios illaj ña tucuij pajta cana cullquita ña japishcatami yuyarca:

¹⁶ Chashna nishpaca, yuyachij cai parlotapishmi cashna parlarca: «Shuj charij runapaj allpapimi, achca granocuna p'ucurca. ¹⁷ Chaimantami paica: “¿Imatataj rurashari? ¿Maipitaj cai tucuitaca huaquichishari?” nishpa yuyarirca. ¹⁸ Chashna yuyacushpallami, cashna nirirca: Arishi, caita rurasha: Cai huaquichina huasicunata urmachishpa, shujtaj ashtahuan jatun huasicunata shayachisha. Ñuca tucui granocunatapish, imalla charishcatapish chaipi huaquichisha. ¹⁹ Chashna huaquichishpaca: ‘Ñuca almalla, cunantajca achcatami tauca huatacunapaj huaquichishcata charini. **Micucui, ubyacui, cushicucui, samaricui**’ nircurcami.

²⁰ Ashtahuanpish Taita Diosca, paitaca: “**Rumi shungu runa, cunan tutallatajmari huañungui**. ¿Can huaquichishca, cai tucui charinacunataca, pichari japinga?” nircami. ²¹ Cai causailpapi quiquinpajlla tandachishpa huaquichijca, Taita Diospaj ñaupajpica imata mana charingachu»
Lucas 12:16-21

“¡Ñucaca chai cullqui tucuij pajta canataca munanitajmi! ¡Ñucaca chaitaca Taita Dios cuchunmi munani! Taita Dios tucui imalla minishtirishcacunata cushpa pajtachichunca, ¿ima shinataj Diospajlla causaj, allitaj crij cai tucuni?”

Taita Dios tucui imalla minishtirishcacunata cushcata allita chasquij crijca Diospaj shimipi chaimanta imata nijtapish yachanmi, chaimantami paipaj causaipi Diospaj munaita punllanta pajtachishpa rina munaita charin:

I. Cullquipish, shinallataj ima charishcacunapish mana yuyaita churanachu canchij, ashtahuanpish ñucanchij ñahuitapish ñucanchij causaipi alli canacunallapi churashpami rina canchij.

Apunchij Jesucristoca nishcami:

Riquichij, pajta ñataj mitsa tucushpa, imatapish ashtahuan charina yuyaila canguichijman. **Ahcata charishcacunaca, mana causaita cunchu**— nircami. *Lucas 12:15*

Ashtahuanpish cai cullqui tucui pajta canamantaca punllanta, punllantami **cai pachapica** panda yachachishcacunallata uyanchij. ¡Huaquincunacarin “Imata achcata maijan runa charishpawish, chaihuan unita causai tucungatajmi, imatapish achca allicunata charishpallami alli causai tucunchij” nishpamari yachachin! Shinallataj chashna nishcapish llullatajmi.

Caihuanca imapish illaj huajcha causaita mashcashpa chaihuan cushi canataca mana nisha ninchu, ¡chashnaca manataj cangachu! Ñucanchijca Agurpaj churi Jaqué shuti runa Diosta mañashca shinami mañashpa causai munaita charina canchij:

8 Ñucataca yangapi yuyaita churanamantapish, llulla canamantapish huaquichihuaiari. Shinallataj **YALLI HUAJCHATAPISH, yalli charijtapish** ama rurahuaichu. **Micunapaj pajtallata** carahuaiari.
9 **Yalli charijyashpaca** canta **cungarishpa:** “¿Mandaj Diosca pipishchari?” nipajmi cani. **YALLI HUAJCHA CASHPAPISH shuhuashpa,** can ñuca Diosta **c'amichipajmi cani.** *Proverbios 30:8-9*



Caipica Pabloca crijcuna munaihuantaj cushca cullquitami tandachicun, cai cullquica Jerusalén llajtapi tiyaj mama tandanacui pajmi carca, caipica achca minishtirishcacunata, jatun yaricaicunata, tucui laya llaquicunatami unitataj charirca. Caipajca Macedonia llajtapi tiyaj crijcuna tandanacui tandanacushca crijcunaca ñami convidana munaihuantaj cunataca ayudashca carca, chaimantami Pabloca Corinto llajtapi tiyaj crijcuna tandanacui tandanacushca crijcunatapish convidana munaita charichun Macedonia llajta crijcuna rurashca shina rurachun yuyaita cucun.

¿Caipica Diospaj shimica imatataj yachachin?

Verso 2: Macedonia llajtapi tiyaj crijcuna tandanacuica Corinto llajtapi tiyaj crijcuna tandanacuitaca yalli minishtirishcacunata charijcunami cashca. Chashna cashpawish paicunaca convidana munaihuantajmi paicunapaj minishtirishcacunapaj ashitallata charishpawish cushca.

Verso 3: Cai tandanacuj crijcunaca paicunapaj minishtirishcacunapaj ashitallata charishpawish chaimantapish pasashpami cushca.

Verso 4: Quishpirinamanta huillanaca paicunapajmanca Jerusalén llajtapi tiyaj tandanacuj crijcunamanta shamushcamantami chaipi juchamanta anchurishpa Diospajllaca causaj crijcunataca **achca cushicuihuantaj** ayudashpa cachashcacuna.

Verso 5: Chai huaquicunaca mana cullquillata cushpami, ashtahuanpish quiquin causaihuanpish Mandaj Jesuspajtaca ruracushca, chai jahuami convidana munaihuantaj imatapish cushpa cachashca.

Chaimanta Taita Dios tucuita cushcamantaca shungumantami pagui nishpa cuna canchij, paipaj Churi ñucanchijpaj quishpirinata paipaj causaihan randishcallamantapish mana pagui nina cashcanchijchu, tucui minishitirishcacunata punllanta cushcamantapishmi pagui ninalla canchij, chaimantaca ñami Mateo 6:31-33 versocunapi ricushcanchij.

Mushuj Testamentopica Macedonia Provinciapi crijcuna tandanacuicuna sumaj rurashcata ricuchishcami tiyan, cai provinciaca Grecia llajtamantaca janajmanmi cashca. Cai Diospaj shimi yachachishcapica, huillachun cachashca Pablo cutin shujtaj crijcuna tandanacushcaman quillcajtami ricunchij, caica Acaya Provinciapi Corinto pueblapi tiyaj crijcuna tandanacushcapajmi cashca, cai pueblaca Grecia llajtamantaca uramanmi cashca, shinallataj caipica Macedonia Provinciapi tandanacuj crijcuna imata rurashcamantapishmi rimacun:

¹ Shinallataj huauqui, panicuna, Macedoniapi tiyaj crij tandanacushcacunata Taita Dios c'uyashpalla, paicunaman achca allacunata cushcata yachaj chayapaichij. ² Paicunaca, **p'ñajcuna yallitaj llaquichicujpipish, jatunta cushicurcallacunami. Imata mana charishpapish, mana llaquishpa, achcata curcallacunami.** ³ **Cui tucushcatapish yalli yallihuanmi, cushi shunguhuan curcacuna.** Chaitaca, ñuca quiquin ricushcamantami huillacuni. ⁴ Paicunaca, cutin cutinmari, **“Diospajlla cajcunamanca, ñucanchijpish cushun nipanchijca”** nicureacuna. Chashna nicujllapimi, paicunapish cuchun saquircanchij. ⁵ Manamari ñucanchij yuyacushca shinalla curcacunachu, ashtahuanpish yallitamari curcacuna. Paicunaca, Taita Diospaj munaita pajtachingapajmi, puntaca paicuna quiquintaj Apunchij Jesusman curircacuna, chai q'uiyaca ñucanchijmanpishmi curircacuna.

2 Corintios 8:1-5

Caica sumaj yachachishcami, ¿nachú? Macedonia Provinciapi tiyaj crijcuna tandanacushcacuna nishpaca Filipos pueblapi, Tesalónica pueblapi crijcuna tandanacushcacunamantapishchari rimacun. Filipos pueblapi crijcuna tandanacuimantapish ñami Filipenses 4:14-19 versocunapi ricurcanchij.

Ashtahuan valij charijyanacunata japinaca mana cai pachapichu tiyan. Apunchij Jesucristo chashnami yachachin:



¹⁹ **CAI PACHALLAPI CHARIJYANATA AMA MASHCAICHIJCHU.**

Chai charishcacunataca, **polilla c'urucuna micunllami, ismushpa tucurinllami. Shuhuacunapish huasita jutcushpa shuhuanllami.** ²⁰ Chaipaj randica, **jahua pachapi charijyangapaj** rurana cashcata ruraichij. Chaipica, polilla c'urucunapish mana micunchu, mana ismunchu, huasita jutcushpa pi shujpish mana tiyanchu. ²¹ **Maipimi imatapish huaquichishcata charinguichij, chaillapimi cancunapaj shunguca yuyacunga.**

Mateo 6:19-21

Caitami tapuna canchij: ¿Maipitaj charijyangapajlla, imatapish achcata mirachicuni? ¿Ñucaca, ñuca ñahuitaca imapitaj churashpa ricucuni? Huillachun cachashca Pablopish caimantaca allita yuyarinapimi churan:

⁷ **Ñucanchijca cai pachapica, lluchullamari huacharinchij. Shinallataj cai pachamantapish imata mana apashunchu.** ⁸ Chaimanta, **micunata, churanata charishpaca, chaillahuantaj cushi cashunchijlla.** ⁹ Charijyana yuyaila purijcunaca, ima mana allita ruranalla ricurijpica, linchipi tsagnarishpa urmaj shina, chaita ruranllacunami. Manapish canacunata upa shina munashpami, gentecunata jatun llaquipi huashicuchishpa chingachij, ima millaitapish ruranllacuna. ¹⁰ **Cullquita munanami, tucui millai ruranacunataca, sapi shina callarichin.** Cullquita munashcamantami, maijancunaca crishcatapish saquishecuna. Chaimantami paicunataca, jatun llaquicuna shunguta chaupishca.

1 Timoteo 6:7-10

Alli ricungui: cullquillatajca tucui millai ruranacunata mana sapi shina callarichinchu, ashtahuanpish ¡**cullquita munanami, tucui millai ruranacunataca, sapi shina callarichin!**

¡Taita Diosca ñucanchij imata charishpawich chaillahuantaj cushicushpa causachun munanmi! Huillachun cachashca Pabloca caimantaca allitajmi yacharca:

¹¹ Ñucaca, ima illajlla cashcamanta mana chashnaca ninichu. **Ñucaca, ima charishcallahuan cushi canata yachanimi.** ¹² Ima illajlla canatapish, achcata charinatapish yachanimi. Pajtata micunatapish, yaricaihuan purinatapish, ima shinapish canata, maipi canatapish yachanimi. Achcata charinata, ima illajpi llaquita apanatapish yachanimi. ¹³ **Imatapish rurai tucunata ñucaman kuj Cristohuan cashcamantaca, imata mana atichinichu.**
Filipenses 4:11-13

¿Cullquita kuj nishca p'angata charingapaj munanguichu?

¿Huaquinpi, huaquinllapish cullquita kuj nishca p'angata randishcanguichu? ¡Ñucaca mana! ¡Ñapish cullquita kuj nishca p'angata charingapajca mana munanichu! “¿Ima nishpataj mana munangui?” ninguchari. ¡Nuca causaita llaquipi churashpa musparingapajca mana munanica!



Ñapish cullquita kuj nishca p'angata randishpa chaihuan cullquita charij runacunapaj causaimanta paicuna ima shina cajta, huaquincunacarin chai ñapish cullquita kuj nishca p'angata randishpa chaihuan cullquiyuj tucushpa puntaman llaqui causaita charishcatapish ashtahuan pasashpa jatun llaquiman yaicushpa causajcunamanta tapuicunata rurashpa yachaj chayashcata yachashcanguichu? ¿Imamanta? Chaica yalli jahuallami: paicunaca achca charitaj cashcata yunanmi, chashna yuyarishpami, cullquica ima horapish mana tucurina cajpi shina yangata tucuchi callarin. Ashtahuanpish chai q'uipaca, tucuilla amigocunapish, shinallataj aillucunapishmi ñucanchijmanpish chaupishpa cuchun nishpa, ¡shinallataj mana rijsishca, mana charishca amigocunapish chaipica ricurin!

Quishpirinamanta

Ñucanchij causai ima shina cashcata yuyarishun:

Tucuicunallataj juchallishcamantami, Taita Diospaj ñaupajpica p'iñanayaj tucurcacuna.
Romanos 3:23

Ñucanchijca tucuillami juchayuj cashcanchij, chaimantami “Taita Diospaj sumajmanta anchuchishca cashca” causanchij. Chaimantami Diospaj ñaupajman ñucanchijllataj mana chayai tucunchij. ¡Caica yalli sinchitajmi! ¿Chashnataj cashpaca imashi tucushun? Ricushun:

Juchaca huañuillatami cun. Ashtahuanpish Taita Diosca jatunta c'uyashpallami, Apunchij Cristo Jesusmanta, huiñai causaita cushca.
Romanos 6:23

¿Imatataj japina canchij? Adán Eva Edén pambapi juchata rurashcamanta huañushca shinami, ñucanchijpish juchayuj cashcamantaca huañuillata japina canchij. Mana aichapi huañuillataca japishunchu, Espiritupi huañuitapishmi japina canchij: tucuicunami nina cuchaman rina canchij, chaipica achca llaquicunallata japishpami huiñaita causaicama causashun, quishpichij Cristota mana chasquishpa mana paipaj causashcamantaca.

Shinallataj caipica **alli huillaitapish** ricunchijmi: **Ñucanchij huañunapaj randica Jesusmi cruzpi chacatashca cashpa huañushca, paica huañushca cashpawich quimsa punlla q'uipaca cutin causarishcami, chaimantami paica ñucanchij llaquirishpa ‘Quishpichihuai’ nishpa ñucanchijta quishpichij cachun chasquijpica Paica huiñaita causaicama huiñai causaita convidanga.**

¿Ñachu chaitaca rurarcangui? Manaraj chaita rurashca cashpaca, ña cunanllatajmi rurana cangui. Chaita ima shina rurana cashcata mana yachashpaca, ñucaman *correo electronicota* cachahuangui, mana cashpaca cai quillcashca tucurishca uripi huillajta ricungui. **Can caita rurashpaca cambaj causapi ima horallapish mana rurashca causapaj minishtirishca allitami rurangui.**

¿Caica “Quishpirishcacuna charijyangami” nij huillaichu? Manataj.

Caipica “Quishpirishcacuna charijyangami” nij huillaitaca mana huillacunichu”. Huaquincunaca ‘Shuj chungamanta shujta cujpica, Diosca achca charijcunatami ruranga’ nishpa yachachinmi. ¡Diospaj shimica mana chashnaca yachachinchu! Chashna yachachinapaj randica, Diospaj shimica: ‘Charijyangapaj munashpa ima shina charijyana nishcacunallapi cancunapaj ñahuita churashpaca mana purinachu canguichij’ nishpami yachachin. Chaicunamantaca ñami Diospaj shimipi puntaman ricurcanchij.



Diospaj shimica caimantaca ch'icantatajmi yachachin:

¹ Cancunaca, Cristohuan ña causarishcataj cashpaca, **jahua pachapi tiyajcunallata yuyaichij**. Chaipica Cristomi, Taita Diospaj alli maqui ladopi tiyacun. ² **Jahua pachapi imalla tiyajcuna yuyailla caichij. Ama cai pachapi tiyajcunataca yuyaichijchu.** *Colosenses 3:1-2*

Cai pachaca ña mana ñucanchij causana llajtaca canchu. Filipenses 3:20 versoca cashnami nin: “...**ñucanchij causagrina llajtaca, jahua pachami.**” Ashtahuanpish Hebreos 11:13 versoca cashnami nin: “**Chaimantami, cai pachapica shujtaj llajtamanta cajcuna shinalla, purijcuna shinalla cashcata huillarcacuna**”. Chashnatajmari canchij.

Ashtahuanpish Taita Diosca, **ñucanchijmanca ima illashcatapish achcata cunga**, Filipenses 4:19pi nishca shina. Shinallataj Malaquías 3:10pi: “¿...**ñucapish manachu jahua pacha ventanacunata pascashpa, tucui imatapish cancuna mana huaquichi tucui pajta cuni, imami?**” nishcamari.

Ashtahuanpish, paicunaca cullquica tucui charishca llaquicunata anchuchinata yuyanmi. Shuj punllami televisionpi shuj soltera 54 millón dólares cullquita ñapish cullquita cuy nishca p'angata randishcahuan japishcata ricurcani, chaica Florida, Estados Unidospimi carca. Chai televisión ucupimi solterataca tapuita rurashca, chaipica paica: “¡Tucucuna yachachunmi munani, manaraj cazarashca canichu!” nircami. Chai solteraca chairaj huiñailapish, sumajllapish mana carcachu. Chashna cashpaca: “Chai huarmica yalli juillu illaj huarmimari cashca. Ñapish cazarai tucunga, ashtahuanpish ima tucujpipish manapishchari paica yachangapajca munanga” yuyarcanimi.



“¡Ñucaca chaitaca mana ruraimanchu!

Chaicunatapish yalli allitaj juilluyujmi caiman” ningui manchari. Chashna cajpipish Diospaj shimi Bibliaca: “Ñapish jahualla imapipish urmanallami cangui, ñapish ‘Cullquita cuy nishca p'angata mana munanichu’ nishpa mana pasai tucunguichu” ninmi, cai versocunapi ricushca shinaca.

‘Cullquita munanami, tucui millai ruranacunataca, sapi shina callarichin’ 1 Timoteo 6:10 versopica ninmi. Ñapish cullquita cuy nishca p'angata randij runaca **cullquita munashpa causaj** cashcatami ricuchin. Shinallataj ñapish cullquita cuy nishca p'angaca shuj llaquitapishmi apamun, Diospaj shimica imatapish sinchita rurashpami causana cashcata yachachin. Chaimantami imatapish charinguichij, mana imatapish rurashpa, imatapish charinapaj randica. Chashnami nin Pablopish:

¿Manachu, cancunahuan cashpaca: «**Maijanpish mana imata rurasha nijca, ama micuchun**» nishpamari saquimurcanchij?
2 Tesalonicenses 3:10

II. Taita Dios ñucanchijman cushcamantaca shuj ashitata ch'icanyachishpami tigrachina canchij.

A. ¿Ima ñahuihuantaj cushpa tigrachina canchij? Achca cushicuihuan, shinallataj convidana munaihuan.

⁶ ‘Ashallata tarpujca, ashallatami tandanga. Achcata tarpujca, achcatami tandanga’ nishcataca yuyaripanguichij. ⁷ Tucuicuna quiquin shungupi yuyashca shina cuichij. Ama llaquirishpa, ama ‘Cuichij’ nishcallamanta cuichijchu. **Cushicushpa cujtamari, Taita Diosca c'uyan.** ⁸ Taita Diosca, tucuita rurai tucujmari. Chaimanta cancunamanca, imatapish yalli yallitamari cunga. Chashnamari **cancunaca punllanta tucui imapish mana illaj cashpa,** imatapish allita rurangapajca, yalli yallita charinguichij.

2 Corintios 9:6-8

Caipi ima tucushcata riqui:

⁴¹ Jesusca, Diosman cullquita cushpa churana ch'imrapurapimi, gentecuna cullquita churajta ricushpa tiyacurca. Charijcunacarin achcacunami, achcata churarcacuna.

⁴² Ñapish shuj huajcha viuda shamushpaca, pai tucui charishca ishqui quillu cullquillatami churarca. ⁴³ Chaita ricushpami, Paipaj yachacujcunata cayashpaca, cashna nirca: «Mana nij tucunillachu, **cai huajcha viudami, cullquita churanapica, tucui shujtajcunata yallita churan.** ⁴⁴ Tucui caicunaca, puchushcallatami churarcacuna. Ashtahuanpish paica, huajcha cashpapi, **pai causanapaj tucui charishcatamari churan**» nircami. *Marcos 12:41-44*



3. Diosmi tucui ñucanchij ima charishcacunatapish cushca, shinallataj ima minishtishcacunata charijpipish Paillatami punllanta cushpa cushichin. Chaimantami Taita Diosmanca c'uyaihuan, pagui nishpa cuna canchij.

Chaimantaca Romanos 8:32pi ñami ricushcanchij: “Diosca Paipaj quiquin Churitaca, mana mitsashpa tucui ñucanchijmanta huañuchun curcallamari.” Chashna cumushcamantami tucui crijcunallataj, ucu shungumantapacha Taita Diostaca achcatataj pagui nishpa mañanata charinchij. Shinallataj cazuna munaihuan, pagui nishpami chai ashitata cuchun nishcatapish tigrachina canchij. ¿Imamanta? Ñucata juchayuj cashcamanta achcatataj llaquichishca canata charijpipish chaimanta cacharichishpa quishpichishcamanta, shinallataj jahua pachapi paihuan huiñaita causagrichun ñucaman shuj huasita ña allichishcallamanta.

¿Shuj mana crij, shuj chungamanta shujta cushpa pajtachinata mana charishcataca yachanguichu? Shuj chungamanta shujta cunaca crijcunapajllami. Shuj mana crijca crijcuna tandanacui paj imatapish cusha nijpica, chai cunataca mana jarcarishpalla chasquinallami. Chai mana crijca, crijcunaca imamanta crijcuna tandanacuiman cujtaca manapishchari yachai tucungachu. Mana cashpaca chashna cushpaca Diosmanta ima allicunatapish japinatachari yuyanga. Ni imata mana japingachu. ¿Imamanta? Ñucanchijca imapish allicunata rurashcamantaca mana quishpiri tucushunchu, ashtahuanpish chai quishpirinaca Taita Dios cushcami. Maijanpish quishpichishcata manaraj charishpaca, ni imata mana charinchu. Caicarinpish Dios munashpataj cushca quishpirinamanta huillashcami.

- Semana punllacunapi shuj crijpaj huasipi Diospaj shimimanta yachaicunata ruranami.
- Tandanacuj huauqui unguushca cajpi, jambij huasipi cajpi ricugrinami.
- Tandanacuj crijcunamanta, paicunallahuantaj Taita Diosta mañashpa punllata pasanami.
- Diospaj shimimanta, crij causaimanta tandanacuj crijcunata yachachinami.
- Tandanacuj crijcunata, alli yuyaicunata cushpa yachachinami, shinallataj shujtajcuna alli yuyaicunata cuchun mañajpica, paicunamanpish alli yuyaicunata cushpa yachachinami.
- Dios mandajpi causanaman shamuchun shujtajcunaman quishpirinamanta huillanami. Ashtahuanpish chaita rurachun tandanacuj crijcunaman yachachinami.
- Tandanacuiipi pushajcuna allita imatapish rurachun ricunami.

Shuj huauqui pastorca caicunatapishmi, rurashpa pajtachinata charin. Caicunataca, punllanta rurashpallami pajtachi tucun. ¡Huaquin pastorcunallami semanapica chuscu chungu (40) horasllata Diospajta ruran! Ashtahuanpish tauca pastorcunami chai chuscu chungu horastapish pasashpa Diospajta ruran.

Jahuaman 1 Timoteo 5:17-18 versocunapi nishca shinaca, «Imatapish ruraj runaca, cullquita japinataca charinllatajmi». Chai cullquica tandanacuj crijcuna, shuj chungamanta shujta cushcamanta, shinallataj imatapish cuna munanaihuantaj cushcamantami shamunlla.

¡Pipish cai cusa huañushca huarimi rurashcata ashtahuan pasashpa manataj ruraj tucungachu! ¡Paipajca ni ima mana tiyajpipish, Taita Diosta c'uyashcamantaca tuculla pai charishcatami curca!


Huaquinpica, cai pachapi causajcunapaj uyaipi, ricuipica juillu illaj runa rimashcata shinami Bibliaca riman, ricuchin:

Ñucaraj chashna rurashpami cancunataca, mana charijcunata ima shina ayudanata yachachircani. Chashna rurashpallami: “**Imatapish cujmi, chasquijta yalli cushicun**” nishpa, Apunchij Jesús yachachishcatapish yuyachina ñahuita charircani» nircami. *Hechos 20:35*

Ashtahuanpish maijanpish Diosman cunata yachashpaca, chaica chashnataj cana cashcata paica ricunmi.

B. ¿Mashnatataj cuna canchij? Chungamanta shujtami cuna canchij.

Bibliaca mana pacashpallami Taita Dios chungamanta shujta tigrachichun munajtaca yachachin, chaica imata rurashpa cullquita japishca cashpapish shuj patsajmantaca chungata (10%) anchuchinata nisha ninmi. Tucui caipaj jahuaca, imata cunapaj munashpapish convidana munanaihuantaj cuchunpishmi munan.



“¿Imamantataj cai tucuitaca cuna cani? ¿Manachu ñuca cullqui can? ¿Manachu ñuca sinchitataj imatapish rurashpa cai cullquitaca japircani, mashnata cunatapish manachu ñucallataj yuyarinalla cani?” ninguichari. Mana, cullquica mana cambajchu, chaitaca yachanami cangui.

Ñucanchij ima charishcapish Taita Diosllamantami shamun, jahuaman Santiago 1:17 versopi ricushca shinaca, ashtahuanpish crijcuna cashpacarin ñucanchij causaipish ña mana ashtahuan ñucanchijpajca canchu, ashtahuanpish Cristomi juchapaj poderanta cacharichishpa randirca:

¹⁹ ... Cancunaca, mana quiquinpajllatajchu canguichij. ²⁰ Ashtahuanpish tucumanta yalli valijhuan randishcami canguichij. Chaimanta cancupaj cuerpohuanpish, espirituhuanpish Taita Dios cushicunata rurashpa causaichij. *1 Corintios 6:19-20*

‘Shuj chungamanta shujta cunaca mana ñucanchij munashcata, pudishpalla cunaca canchu’ nijta Diospaj shimipica tauca ladocunapimi ricunchij. Malaquías quillcashcapicarin Diosca cashnami riman:

⁸ ¿Runaca, Diospajta shuhuai tucunchu? Cancunaca ñucapajta shuhuacunguichijmari. Chashna shuhuashca jahuapish cancunaca: ‘¿Imatataj cambajta shuhuacunchigari?’ ninguichijmi. Cancunaca **chungamanta shujta cunatapish, ñucaman imalla cuna cashcatapish mana cushpamari** shuhuashcanguichij. ⁹ Cai llajtapi tucui causajcuna ñucapajta shuhuashcamantaca, llaquita apana cashca shinallatajmi llaquitaca apanguichij. ¹⁰ **Chungamanta shujta ñucaman cuna cashcataca tucuita ñuca huasiman apamuichij.** Cancuna apamujpimi, ñuca huasipica micuna tiyanga. **¿Cancuna chashna cujpica, ñucapish manachu jahua pacha ventanacunata pascashpa, tucui imatapish cancuna mana huaquichi tucui pajta cuni, imamí? Ricuichigari. Tucuita Mandaj Diostajmi chashna nini.** ¹¹ Cancuna tarpushca granocunata chingachijtapish jarcashami. Chaimantami granocunataca, imata mana chingachinga. Cancunapaj uvas chagracunapish allimi p'ucunga. Tucuita Mandaj Diostajmi chashna nini. ¹² Chashna sumaj llajtata ricushpami, shujtaj llajtapi causajcunaca ‘Paicunaca cushicushpamari causacuncuna’ ningacuna. Tucuita Mandaj Diostajmi chashna nini” nircami. *Malaquías 3:8-12*

“¿Ima nishpataj huauqui pastormanca semanapi shuj horasta tandanacui cashcallamanta, quillapi japina cullquita cuna canchij?”

Chashna yuyarij gentecunaca tiyantajmi, ashtahuanpish huauqui pastorpaj ruranacuna ima cajta, ima shina, mashna cajtapish mana yachanchu. Domingo punllapi shuj horasta Diospaj shimita huillangapaj shayarijllatami ricun, chaimantami ‘Shuj horasllatamari Diospaj shimitapish huillan’ nishpa yuyarishpa ricun. Shinallataj Diospaj shimita huillangapaj allitaj yachana, Diospaj shimillamanta japishpa yachachina, mashna horasta, mashna punllata minishtij cashcatapish mana yuyarinchu. Huauqui pastor ashtahuan shujtaj ruranacunata pajtachinata charishcatapish mana yuyarinchu.

Huauqui pastorca, domingo punllapi Diospaj shimita huillangapajca, crijcuna tandanacuiman rishpa Diospaj shimimanta yangata maipipish japishpalla rezashpa chaipi imata nijta mana allita yachashpaca mana huillanchu. Diospaj shimita allitaj yachashpa huillanata allichinaca tauca horascunatami minishtin. ¿Diospaj shimita chaupi horasllapi allitaj yachachinata allichina, mashna horasta minishtijta yachanguichu? Caitaca allitaj yachachinata charij canamantami rimacuni, Diospaj mana llullaj shimimanta yachachishcaca, uyajcunapaj shungumanpish yaicujtami uyarina can. ¡Cashna allitaj yachachinacuna allichinaca, chungu sujeta (16) horascunata shinami minishtin! Caica ¡ishqui punllapi imatapish rurashcahuan pajtami!

Shinallataj, uyajcuna yachai tucunalla yachachinacuna Diospaj shimimanta japingapaj, chaipi imata yachachijtapish allita yachangapaj, mana entendishca shimicunamanta imata nijta ricuchij p'angacunapi mashcashpa allichingapajpish, Diospaj Espirituta ayudahuai nishpa tauca horascunata mañanapish caipica yaicunmi.

Caica callaripi huauqui pastor, rurashpa shujtaj pajtachinallami. Huauqui pastorpajca ashtahuan rurashpa pajtachinacunapish tiyanrajmi:

Taita Diosca mana ñucanchij shinachu yupan.

¿Ñuca quillapi japishca cullquimantaca chungamanta shujta quichujpica ima shinataj ashtahuan cangari?

Canca: “Caitaca mana yachai tucunichu. Mashna cullquita quillapi japicushcatapish yachanimi, ima minishtirishcacunata randinapajpish chaica mana yalli pajtahuanchu. ¿Ima shinataj chungamanta iscunllahuan carin alli cashari?” ninguipishchari. Ñucaca ima shina cullquita yupanata-pish yachanimi: cullquita yupangapaj yachaicunata chasquishcata ricuchij p'angatapish charinimari. Chashna cajpipish caitami nishataj nini, caica cullquita yupanata yachashcamantaca mana canchu, caicunaca Dios mandashcami, pai: ‘Ima minishtirishcacunatapish cushatajmi’ nishpa rimashcamantami. Diosca tucui ima tiyajpajpish dueñomi, ‘Imata cushami’ nishcatapish cushpa pajtachintajmi.

Ñuca causaipipish, shinallataj shujtajcunapaj causaipipish tauca-camami ricushcani: Cai Dios mandashcata cañushpa causajpica, Diosca pai ‘Cushatajmi’ nishcataca cushpataj pajtachijta, cai rurachun nishcacunata mana pajtachishpa shujtajman churashpa yangata pasashpaca, cullquica imapajpish mana pajtajpimi llaquirishpalla causaringa.

Crijcuna tandanacupish chashnallatajmi tucun: Maijan crijcuna tandanacupish paicuna tandachishpa charishca cullquimanta, shujtaj llaj-tacunaman rishpa Diospaj shimita huillajcunata, quishpirinamanta huillaj-cuna tucui cai pacha muyundijta rishpa crijcuna mirachun caipi, chaipi yachachijcunata ayudajpica, Diosca, pai ‘Cushatajmi’ nishcataca cushpa-tajmi pajtachinga, shinallataj tucui ashtahuanmi huiñaranga. Cutin, “Mana yallilla charinchijchu, chai asha charishcapish cai tandanacupi minishtirishcacunata randishpa tucuchingapajllami tiyan, chaimantami shujtaj llajtacunaman rishpa Diospaj shimita huillajcunamanca manaraj cui tucunchij” nij tandanacuica, cullquica imapajpish mana pajtajpimi lla-quirishpalla causanga, ashtahuan mana huiñari tucungachu. Chashna tu-cushcataca cutin, cutin ricushcanillami.

¡Dios paipaj cullquita yupanaca chashnami!

Huaquin crijcunaca shuj chungamanta shujta cunaca Ñaupá Testamento yachachij huatapi causaj crijcunapajlla cashcata yuyanmi. Chaimantami: “Mushuj Testamento yachachicuj huatacunapi causajcunaca achcata cunapajpish ashallata cunapajpish, ñucanchij munashca shina agllai tucunata charinchij” yuyan. Shinallataj huaquincunacarin Jesús yachachishcatami ricuchin:

Mandashcacunata yachachijcuna, fariseocuna, mishqui shimi, jayaj shungucunami canguichij. ¡Ai, imachari tucunguichij! Cancunaca mentata, anista, cominotaca chungamanta shujta Diosman canguichijtajmari. Chaita cushpapish, “Cashcata ruraichij, shujtajcunata llaquichij, Diosta crichij” nishpa **Mandashcapi tiyacuj, ashtahuan allitamari saquishcanguichij. Diosman cunatapish mana saquishpami, caicunataraj rurana canguichij.** *Mateo 23:23*

Ashtahuanpish caipica Jesusca “Cai punllacunapi causaj crijcuna shuj chungamanta shujta mana cunachu” mana nicunchu, caipica ninmi: **“Diosman cunatapish mana saquishpami, caicunataraj rurana canguichij”**. “Caicunataraj rurana canguichij” nishpaca mandashca shimipi tiyajmanta huaquin mandashcacunaca ashtahuan minishtirishca cashcatami yachachisha nirca, chai pajtachinacunaca cashcata rurana, shujtajcunata llaquishpa ricuna, Diosta crishpa causana carcami. ¡Ashtahuanpish “Diosman cunatapish mana saquishpa” nishpaca shuj chungamanta shujta cunatami riman! Shuj chungamanta shujta cunataca ‘Cashcata ruraichij, shujtajcunata llaquichij, Diosta crichij’ nishcacuna ashtahuan yalli allica canmi. Chashna cashpapish, ‘Shuj chungamanta shujta cunaca Diospaj shimipica cunatajmi’ nishpa quillcashcami tiyan.

Tucuicunami cui tucunchij, shinallataj shuj chungamanta shujtapish cunatajmi canchij, ashallata japishca cashpapish, achcata japishca cashpapish. Ni imata mana charij iglesia nishca crijcuna tandanacui cashpapish cui tucunmi, **chunga huasi ucupura aillucunalla** crij cashpapish cui tucunmi, cai chungapura aillucunallapish shuj chungamanta shujta cunami can, chashna rurashpaca, **huauqui pastorman pai japina cashcata cui tucungami**. Chaica chaishuj crijcuna japicushca shinallataj minishtirishcacunapaj chari tucungami!

C. ¿Imapajtaj cuna canchij?


Shuj chungamanta shujta cunamanta, shinallataj imata convidana munaita charinamantapish Diospaj shimica tauca yuyaicunata cushpami yachachin, ashtahuan minishtirishcamanta callarishpa mana yalli minishtirishcacama yupashpa ricujpica picheami tiyan:


1. Quiquin iglesia nishca crijcuna tandanacui Diospajta rurashpa tauca horas semananta ayudaj crijcunaman, ashtahuantajca **huauqui pastorcunaman**, paicunapaj minishtirishcapaj tiyachunmi cuna.
2. **Shujtaj llajtacunaman rishpa Diospaj shimita huillajcunata**, chai laya Diospajta rurajcunata, crijcuna illaj ladocunapi crijcuna tiyachun Diospaj shimita huillajcunata ayudai tucungapajmi cuna.
3. Tandanacuj crijpurapi minishtirishcata charijcunaman **c'uyaita ricuchingapajmi** cuna. Chai c'uyaica mana crijcunapajlla canachu, crijcuna maipi tandanacuj lado muyundijpi causajcunapajpishmi cana can.
4. Huaquinllapish **Diosta crij aillupura amigo tucushpa cushicuihuan tandanacungapajmi** cuna. “Iglesia” shimica chai crij aillumi nisha nin. (Diospaj shimipica “Iglesia” shimica manataj shuj huasichu nisha nin, ashtahuanpish maipi cashpapish tandanacuj crijcunami nisha nin.)


2. Taita Dios ‘Ima minishtirishcacunatapish cushatajmi’ nishpa rimashcata ñucanchij quiquin cai causaipi chasquingapaj cunami canchij.

Caicunatapish puntaman Dios yachachishca shimicunapi ñami ricushcanchij, Mateo 6:33pi, 2 Corintios 9:6-8pi, Malaquías 3:10-12pi. Ashtahuantajca cai catipi Jesús rimashca shimicunami allitataj yachachin:

**Imatapish shujtajcunaman cuichij,
Diospish cancunaman cungami.**

Paica jatun jatunllapi, 

tushuchishpa, 

talliricujta marcachingallami.
Cancuna imapimi shujtajcunaman cinguichij,
chaillapitajmi cancunamanpish cunga... 

Lucas 6:38

2) Chaimanta, Diospaj ruranapaj cullquita mana convidana munaita charishpa juchachinguichari. Chashna munaitaca manataj charina canchijchu: Diospaj shimica cuchuntajmi mandan. Ima shina cajpipish tucui cai q'uipaca, yaya Diosca pai mandashcata ca'zushcamantaca, 'Imata cushami' nishcatapish cushpami cantaca cushichinga, chaica ima shina, imapi cullquita tucuchishcamantaca mana cangachu.

Diosman cunaca, Dios mandashca cashcata crishpa ruraj tandanacuita pushajcunaca, shujtaj crijta 'Shuj chungamanta shujta cunami cangui' nishpa mandanataca mana charinchu. Shinallataj 'Pimi shuj chungamanta shujta cucun, majanmi mana cucun' nishpa tapuita rurashpa yachai chayanatapish mana charinchu. Chaitaca canhuan, yaya Diosllahuanmi yachana cangui.

Huaquin tandanacuicunapica, tandanacushca crijcunata 'Shuj chungamanta shujta cunatajmi canguichij' nishpa mandajcuna tiyanmi, chaimantami huaquin crijcunacarin, chungamanta shujta cucushcata ricuchina tucun. Chashna ruranaca, Diospaj shimi yachachishca shinaca mana canchu: shuj chungamanta shujta cunamantaca canhuan, yaya Diosllahuanmi yachana cangui.

D. ¿Ima shina cajpipish tucui cai q'uipaca, ima nishpataj cuna canchij?

Caimantaca chuscu yuyaicunami tiyan, chaicunaca chuscundij allitaj minishtirishcami:

1. Dios mandashcamantami cuna canchij.

Chashna cashcataca puntaman Dios yachachishca shimicunapi ricushcanchijmi.

5. Crijcuna tandanacujpi cullqui ama p'ichiyachunmi cuna.

Chashna cajpica crijcuna maipi tandanacui tucungapaj ima minishtirishca tiyajpipish churangapaj cullquita charingapajmi cuna. Caica tucui punta rurana cashca cunata pajtachishca q'uipa canami can. Ari, mana llullachu, Mushuj Testamentopica caicunamantaca mana rimanchu. ¡Chashna cashpapish cunan punllapi tauca tandanacuj crijcunaca tandanacuna huasicunapaj achcatami cun, ashtahuanpish punta rurana cashca minishtirishcacunapaj ashallatami cun. ¡Chaica manataj allichu!

Caicuna chashna cashcataca Diospaj shimimi tauca ladocunapi ricuchishpa yachachin, Ñaupá Testamentopish shinallataj Mushuj Testamentopishmi yachachin, ashtahuantajca cai chuscata rurashpa pajtachinacunatami chashnataj canataca ricuchin.

1. Pastorcunaman

Quiquin iglesia nishca crijcuna tandanacui Diospajta rurashpa ayudaj crijcunaman, ashtahuantajca **huauqui pastorcunaman**, shuj chungamanta shujta, shinallataj imata convidana munaita cunaca tucui paj jahua puntapimi cana can. Caitaca Ñaupá Testamentopish shinallataj Mushuj Testamentopishmi ricui tucunchij.

Caicunamantaca huillachun cachashca Pablopish tauca ladocunapimi yachachin:

Diospaj Shimita yachacujca, **paíta yachachijmanca** tucui imalla charishcamanta **cuchun**.

Gálatas 6:6

¹⁷ **Crijcunata** alli mandaj, **cunaj yuyajcunaca achcata c'uyashcami cana**. Huillana yuyaila, yachachina yuyaila cajcunacarin ashtahuanmari c'uyashca cana. ¹⁸ Dios Quillcachishcapica: «Trillaj huagrataca, ama shimita huataichu» ninmari. Shinallataj: «**Imata rurajpish, pai ruracushcamantaca, cullquitaca chasquinami**» ninmari. *1 Timoteo 5:17-18*

¹³ Diospaj huasipi Diospajta rurajcunaca, illu chai huasiman apashcatami micuncuna. Altarpi servijcunapish, chai altarman apashcacunatami micuncuna. ¿Chaitaca manachu yachanguichij? ¹⁴ Chashnallatajmi Apunchij Jesusca, **alli huillaita huillajcunaca**, **huillashcamanta micunata charichun** nishpa mandarca. *1 Corintios 9:13-14*

Ashtahuantaj cai tucuripi yachachishca shimicunami chashnataj cashcataca ricuchishpa yachachin, shinallataj Ñaupá Testamentopish, Mushuj Testamentopish chai yachachinallatatajmi charin: Tucui Diospajta rurajcunami chai rurashcallamantataj japishpa causai tucunata charin, paicunaca Diospajta rurajcuna cashcamantaca imatapish shujtajta rurashcamanta japishpa causanaca mana canchu. Huillachun cachashca Pablocá huauqui pastortaca Ñaupá Testamento yachachicuj huatacunapi Diospajta ruraj curacunahuan, shinallataj chai huatapi *templo* nishca Diospaj quiquin huasita allichishpa causachun agllashca cashca levita runacunahuanpish pajta cashcata ricuchishpami yachachin.

2. Shujtaj llajtacunaman rishpa Diospaj shimita huillajcunaman

Huillachun cachashca Pablotaca Filipos llajtapi, Macedonia llajtapi crijcuna tandanacuica taucamanmi cullquita cushpa ayudashca. Chai llajta crijcunaca Pablopajca achca allitaj valishcami cashca, shujtaj llajtacunaman rishpa Diospaj shimita huillaj huauquicunapish chashnallataj ayudashca canatami charin. Chaitami Diospaj shimipipish ricunchij:

Ñucanchij chasquinata ashtahuan mirachichun

Jahuaman Diospaj shimipi nishca shina Diospaj ruranacuna rurarispha pajtachun cullquita cunaca achca jatun allicunatami apamun. Taita Dios ‘Ima minishtirishcacunatapish cushatajmi’ nishcacunatapish apamunmi. Tauca yachachij crijcunami Filipenses 4:19 versopi nijllata ricuchin:

Ñuca Taita Diosca tucuita charij, sumaj Diosmi. Paimi, cancunamanca ima illashcatapish, Cristo Jesusmantaca achcata cunga. *Filipenses 4:19*

Chashna cajpipish chai yachachishcata tucuilla cutin allitataj ricushpaca allimi canman. ¡Cai ‘Paimi achcata cunga’ nishpa rimashca shimica, Diospaj ruranacunata rurashpa pajtachichun, crijcuna huiñachun cullquita cushpa ayudajcunapajmi!

¿Manachu cullquita yanga tucuchinga?

Huaquincunaca ningatajmi: “¿Ñuca cushca cullquitaca crijcuna tandanacuita pushajcunaca manacha yanga imapipish tucuchinga? Chaimantaca ishqui yuyaitami cusha nini:

1) Crijcuna tandanacuipe Diosman cushca cullquita ama pipish yangata imapipish tucuchichunca, chaita jarcai tucungapaj cañuchina mandashcacunatami churana. Chaica Diospaj cullquita pacalla japingapaj, imapish cachun tucuchingapaj munaj pushajcunata jarcangapajmi canga. Chai cañuchina mandashcapica ima hora cullquita japishcata, imapi cullquita tucuchishcata ricuchina nishcacunatapishmi churana. Chaimantami cullquitaca allita apai tucunga. Ishqui, mana cashpaca quimsapurapaj ñaupajpi, paicuna ricujta caicunataca ruranami. Shinallataj mashna cullqui tiyajta, mashna cullqui tucurishcata, imallapi tucuchishcata ricuchishpa huillaj uchilla p'angatapishmi allichina. Chaica tandanacushca tucuilla crijcuna yachachun ricuchingapaj cangami. Cambaj tandanacuita pushajcunapish cai cañuchina mandashcacunata mana charijpi, mana cañujpica, shujtaj iglesia nishca crijcuna tandanacuitachari mashcana tucungui.

5. Crijcuna tandanacuipei gastocunamanta

Crijcuna tandanacuipei gastocunamantaca Taita Diosllatajmi cashna nin:

Chungamanta shujta ñucaman cuna cashcataca tucuita ñuca huasiman apamuichij. Cancuna apamujpimi, ñuca huasipica micuna tiyanga.

Malaquías 3:10a

Maijan iglesia nishca crijcuna tandanacuipei cullquitaca paganmi, crijcuna tandanacuna ladota chari tucuchunca piman cullquita cunata charishpapi cunami, caica mana canachu, chaishuj chuscu ashtahuan minishtirishcacunata rurashpa pajtachinapaj puntapica, ¡huauqui pastormanraj cushpami callarina!

Huaquin iglesia nishca crijcuna tandanacushcacunaca huasichinapi, chai tandanacuna lado ucu llaqui tucushcata allichinapi, chai jatun huasillapimi, huauqui pastormanca mana cushpa, achca cullquita tucuchin.

Ashtahuanpish, quillanta cullquita cuna huasipi, mana cashpaca mañachishca huasipi Diosta yuyaringapaj tandanacushpa, huauqui pastorman cullquita cunaca allitajmi. Diosta yuyarina quiquin huasita charishparaj huauqui pastorman cullquita mana cunaca mana allichu.

Mushuj Testamentopica chai punlla crijcunaca, chai crijcunapaj huasicunallapitaj Diosta yuyaringapajca tucucuna tandanacuj cashcata ricunchijmi. (Roma llajtapi: Romanos 16:3-5, Corinto llajtapi: Romanos 16:23, Éfeso llajtapi: 1 Corintios 16:19, Colosas llajtapi: Filemón 1:1-2)

Shinallataj chai punllacunapi crijcuna Diosta yuyarina quiquin jatun huasita charishcataca ni shuj ladollapipish mana ricuchinchu.

¹⁴ Chashna cajpipish, ñuca llaquipi cajta cancuna llaquishpa cushpaca, allitamari rurarcanguichij. ¹⁵ Filipos crijcunalla, cancunallataj yachanguichijmi. Alli huillaita huillai callaricushpa, Macedoniamanta rijpica, tandanacushca pi shujtaj crijcuna mana curcachu. Ashtahuanpish Diospajta chasquishcamanta cuna cashcata pi mana cujpipish, **cancunallami curcanguichij.** ¹⁶ Tesalonicapi cashpa ima illajlla cajpipish, cutin cutinmi cacharcanguichij. ¹⁷ Ñucaman imatapish cachacuchunlla nishpaca, mana chashna nicunichu. Ashtahuanpish **Diospaj ñaupajpi, cancuna chasquinata ashtahuan mirachichunllami** chashnaca nicuni. ¹⁸ Cancuna cachashcataca, tucuitami chasquircani. Cunanca, charina cashcatapish yalli yallitami charini. Epafroditohuan cancuna cachashcata chasquishpacarin, ashtahuanmi charini. **Cancuna cachashcacunaca, Diosman cushpa rupachijpi mishquiman ashnacuj shinamari. Chaitami Taita Diosca cushicushpa chasquin.** ¹⁹ **Ñuca Taita Diosca tucuita charij, sumaj Diosmi. Paimi, cancunamanca ima illashcatapish, Cristo Jesusmantaca achcata cunga.**

Filipenses 4:14-19

3. C'uyaita Ricuchingapaj

Diospaj shimi Ñaupá Testamentopica c'uyaita ricuchina shimimantaca, tauca ladocunapimi ricui tucunchij, shuj chungamanta shujta cushcaca chai huataacunapi minishtirishcacunata charij crijcunata ayudangapajca achca allitaj cashcatami, caipica ricuchin:

Cada quimsa huata chayajpimi, cambaj chagrapi p'ucushcamantaca **chungamanta shujta** ch'icanyachishpa cuna canguichij. Chaitaca cancunapurapi causaj **levitacunaman, shujtaj llajtamanta cajcunaman, yaya mama illaj huahuacunaman, viuda huarmicunaman** cinguichij. Chashna cujpimi, paicunaca cancunapaj llajtacunapica huijsa pajtajta micushpa causangacuna. ...

Deuteronomio 26:12

Chai huatacunapica yaya mama illaj huahuacuna, cusa huañujpi paicunalla saquirishca huarmicunami achca tiyashca. Paicunaca llaquicunamanta pi cacharichishpa huaquichinatapish, pi carajtapish mana charishcachu. Shujtajcuna c'uyaita ricuchishpa imatapish convidajllapimi causaj cashca. Caru llajtamanta shamushcacunapish shinallatajmi causashca. Paicunaca achca jatun llaquicuna, achca jatun macanacuicuna quiquin llajtapi tiyajpi chaimanta miticushpa shamushpami chaipica mingarishpa causashca. Ashtahuanpish Levitacunaca, templo nishca Diospaj quiquin huasita punllanta allichishpa causachun agllashcami carca, Mushuj Testamento yachachicui huatacunapi huauqui pastorcunapish Diospaj ruranapajllataj agllashca cashcami.

Mushuj Testamentopica crijcunaca chai rurashpa pajtachinacunallataj charishcata ricunchijmi:

Taita Diosta tucui shunguhuan alli crijtaj cashpaca, caitami rurana: **Yaya mama illaj huahuacunata** ricugrina, **viuda huarmicunata** llaquicunahuan cajpi ricugrina. Cai pachapi tiyaj ima millaicunamantapish huaquichirina.

Santiago 1:27

4. Diosta crij aillupura amigo tucushpa cushicuihuan tandanacungapaj

Dios mandashca shimimanta Moisés japishpa yachachishcata catishpa Diosta crij aillupura amigo tucushpa cushicuihuan tandanacunaca carcami. Shuj chungamanta shujta cushcaca quiquin aillucunata, esquina c'uchullapi causajcunata, ashtahuantajca minishtirishcacunata charijcunata tandachishpa, micuicunata rurashpa tucucuna tandanacushpa micushpa cushicungapajmi carca:

²² Cancunapaj chagracunapi p'ucushca granocunataca, tucumantami huatanta **chungamanta shujta** cuna cashcataca ch'icanyachinataj canguichij. ²³ Chai **chungamanta ch'icanyachishca** trigotapish, vinotapish, aceitetapish, punta huacharishca huagracunatapish, ovejacunatapish cancunata Mandaj Dios paita yuyarinapaj cachun pai tiyanapaj agllashca pueblpimi, paipaj ñaupajpi tandanacushpa **micuna canguichij**. Chashna rurashpami, cancunata Mandaj Diosta punllata manchashpa causanata yachanguichij. ...
²⁶ ...cancunata Mandaj Diospaj ñaupajpica tucui cancunapaj huasi ucupuracunandij tandalla **jatun micuita rurashpa cushicuna canguichij**.
²⁷ Chaita rurashpaca, cancunapaj llajtapi causaj **levitacunataca*** ama cungaringuichijchu. Paicunaca mana cancuna shina allpacunayujchu. Chashna cashcamantaca, cancunami caranataj canguichij.
²⁸ Cancuna tandashca granocunamantaca, quimsa huatapi quimsa huatapimi **chungamanta shujta** ch'icanchishpa, cancunapaj pueblocunallapitaj huaquichina canguichij. ²⁹ Chashna huaquichishca cashpami, cancunapaj pueblocunapi causaj, allpata mana charij **levitacuna, shujtaj llajtamanta cajcuna, yaya mama illajlla huahuacuna, viuda huarmicunapish** cancunapajman shamujpica, pajtata cunapaj charinguichij. Chashna rurajpimi, cancunata Mandaj Diosca cancunapaj imata ruranapipish bendicianga.

Deuteronomio 14:22-29

Mushuj Testamentopipish chashnallataj rurachun yachachishcatami ricunchij:

⁴⁶ Diospaj huasipipish punllantami, shuj yuyaila tandanacurcacuna. **Paicunapaj huasicunapipish tandanacushpami, micunata raquinacushpa, cushicushpa alli shunguhuan micujcuna carca.** ⁴⁷ Taita Diostapish, punllantami alabashpa catircacuna. Paicuna chashna cajta ricushpami, tucucuna paicunahuanca alli carca. Chaimantami Mandaj Diosca, quishpirina cajcunataca, punllanta quishpichirca. Chashnami tandanacushca crijcunahuan tandachishpa mirachirca. *Hechos 2:46-47*